

## Mótafyrirkomulag og stjórnun

Á mótinu hafa verið sex deildir. Deildirnar eru getuskiptar eftir óskum þjálfara. Deildirnar heita **Jáverk-**deildin, **TM-**deildin, **Íslandsbanka-**deildin, **SET-**deildin, **TRS-**deildin og **Slysabóta-**deildin, nefndar í höfud fyrirtækja sem hafa gengið í gegnum ýmislegt með knattspyrnudeildinni og styrkt hana í blíðu og stríðu. Í ár sjáum við fram á að fjölga í deildum og lengja daginn örlítið.

Leikir hefjast kl. 09:00 á laugardaginn og lýkur keppni á laugardeginum um kl.17:00

Á sunnudaginn byrjum við svo kl. 09:00 og klárum um hádegið á góðri verðlaunaafhendingu og grilli.

## leikreglur

Keppt er með einfaldri deildarkeppni líkt og í efstu deildum hér á landi þar sem stigahæstu lið fá verðlaun. Þrjú stig eru fyrir sigur, eitt stig fyrir jafntefli. Fimm leikmenn eru inná frá hvoru liði og er leiktími 2x 8 mínútur. Frjálsar skiptingar eru á mótinu. Allar aðrar almennar reglur líkt og á íslandsmóti KSI eru viðhafðar á mótinu. „**bannað að negla regla**“ er regla sem **bannar löng útspörk** frá marki og hvetur strákana til þess að spila út frá marki. Varnarmenn verða því að hlaupa fyrir aftan miðju áður en pressa hefst. Þjálfarar aðstoða við það að halda þessari reglu út mótið. Enn erum við að þróa mótið þannig leikmenn fái sem mest út úr mótinu og því gætu orðið litlar breytingar þegar nær dregur.

## Verðlaun

Bikarar eru veittir fyrir efstu þrjú sætin í hverri deild og þá fá leikmenn þriggja efstu liðana glæsilega verðlaunapeninga gull, silfur og brons. Allir leikmenn fá þátttökuverðlaun á fyrsta degi og nýja EM-fótboltapakka sem eflaust verða mjög vinsælir. Vegleg bronsstytta er veitt fyrir leikmann mótsins í hverri deild. Leikmaður mótsins er sá leikmaður sem skarar framúr á vellinum bæði frá tæknilegum sjónarmiðum en ekki síður fyrir framkomu, hátterni og virðingu sem hann sýnir liðsfélögum, andstæðingum, dómurum og leiknum í heild sinni.

Mótsstjórar velja mann mótsins í samvinnu með dómurum og gestum mótsins.

Einnig verða veitt verðlaun fyrir Dómara mótsins, þjálfara mótsins og bestu og jákvæðustu stuðningsmennina auk háttvísisverðlaunum KSÍ.

## Grillveisla

Grillveisla er haldin eftir síðustu leiki á sunnudaginn. Liðin geta komið strax eftir síðasta leik og fengið sér pylsu og drykk en einnig munum við gefa öllum ís í eftirrétt. Við verðum í stuði og gefum öllum pylsur eftir að strákarnir hafa fengið sitt á meðan við eigum á grillið

## Dagskrá Kótelettunar

Bæjarhátíðin Kótelettan er á Selfossi þessa helgi og hvetjum við ykkur til að skoða dagsskrána Á HEIMASÍÐU kótelettunar, [www.kotelettan.is](http://www.kotelettan.is)

## Dómgæsla

Við leggjum mikið uppúr því að hafa góða dómgæslu á mótinu þá helst vegna þess að við viljum hjálpa strákunum að spila góðan fótbolta og leiðbeina þeim á jákvæðan hátt. Því mun meistaraflokkur karla sjá

Set mót 2016

um dómgæslu á mótinu. Allir dómara fara á stutt dómara námskeið fyrir mótið svo allt sé eins og best er á kosið.

## Sjoppa

Knattspyrnudeildin verður með sjoppu á staðnum þar verður hægt að kaupa allt frá girnilegum samlokum og skúffukökum, kaffi sælgæti og margt annað.

## Sundlaugin


Sundlaugin er auðvita opin alla helgina og fá strákarnir allir frítt í sund eins og þeir vilja alla helgina. Við hvetjum fólk til að skella sér í sund. Einnig verða frábær tilboð fyrir liðin í Kayjak ferðir og Bubblu bolta á Stokkseyri sem við kynnum nánar síðar.



Bæjargarður, Tívolí



Hvíta húsið Selfossi, tónlistarskemmtun



Keppnisvellir Set- mótis

Sundlaug Selfoss

Tjaldsvæði Selfoss

